



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二八一

培遠堂偶存稿五十八卷（文檄四十八卷文稿十卷）補編一卷

（文檄卷三十至卷四十八文稿十卷） 陳宏謀 撰

培遠堂偶存稿

桂林陳宏謀格門著 子鍾刊 孫蘭森編

文檄卷三十

關防藩司書吏檄 乾隆十六年三月

藩司爲錢糧總匯應辦案件絡繹不絕上緊趕辦尙
慮沉滯從前未辦要件屢催未覆者頗多近則又有
新舊司交代之事陞司造冊署司核冊一刻千金均
難延緩無如司胥積習疲玩又散住于儀門以外出
培遠堂偶存稿 文檄卷三十 陝西 一

入去來鮮有稽查據該署司稟稱各房書吏多已散
歸度歲每科只留一二人等語在官之役總匯衙門
書辦關防在內久奉定例難任如此瞻玩本部院衙
門現在上緊辦案不啻以封印稍寬若藩司衙門各
書吏待開印方辦則立等回覆之件杳無詳覆之日
現在交代一切自必更稽時日貽悞非淺該署司既
不能常川在署各書又積坑已久稽查約束未便乏
人仰司官吏即將該班書吏私自回家度歲各書郎
日專差按名嚴提到衙辦事並委經歷司陸埜早晚

稽查督催不得任意出入有辦事怠玩不遵約束傳
喚不到者該署司亦即分別嚴行提處不可以暫署
而稍寬本部院正在查核如有要件屢催不覆者總
以開印後爲率定卽專差指名提到轅門重處法在
必行毋仍玩視陸經歷不用心約束稽查并干未便

採訪著述論 乾隆十六年正月

關中爲理學名區研究經史講求實學歷代有人乾隆六年欽奉

上諭從古右文之治務訪遺編目今內府藏書已稱大備但近世以來著述日繁如元明諸賢以及國朝儒學研究六經闡明性理潛心正學醇粹無疵者當不乏人雖業在名山而未登天府着直省督撫學政留心採訪不拘刻本鈔本隨時進呈以廣石渠天祿之儲欽此經尹督部堂于前任內檄取鄂縣之王豐培遺室偶存稿 文徵卷三十 三 改二

川經解文集送院又據高陵縣將呂文簡公內篇送到因各屬書籍尚未彙齊未及彙進乾隆十五年於條奏通經之選宜精祕府之儲宜廣等事案內復准部議行令欽遵前奉諭旨廣爲採訪陸續進呈業經行司通飭各在案今據詳稱六府州屬並無名人著述無憑錄送等情前來本部院繙閱各縣志書并加採訪自元明以逮本朝關中著述甚多雖其中或散失不存或草本未刊而現在流傳者正復不少就本部院所見亦儘有鈔

本刊本可備採擇之書各屬俱未細心採訪又未知境內何人有書是以槩稱並無名人著述除詳批另檄遵行外仰司官吏將單開書目分行各該管地方官會同教官悉心採訪并令先向本家覓取或本家無存卽訪之本境士林不拘刊本鈔本暫借呈送由司逐一檢閱分別應否進呈送院核定另檄行知有刊板者另行刷印如係鈔本亦必另僱繕寫裝潢成帙其繕寫裝釘費用州縣官估計請示不得槩責之本家反滋苦累倘本家自願鈔錄以圖表彰先集者培遺室偶存稿 文徵卷三十 四 改二

亦聽其便送到各書無論進呈與否原借之書仍卽發還本家及藏書之家務須明白曉諭毋令有書之家及藏書之家疑畏不肯送出也單內各書有則一面送司一面通報查考如無亦限兩月內照單回覆通報如單外另有鈔本刊本有關經史理學之書亦許呈送閱奪單內註明已有字樣者不必再取總不可視爲不急之務漫不經心沉擱不辦致煩催牘亦不可票差四出徒滋紛擾

飭造簡明戶冊檄 乾隆十六年二月

本部院于前任內通飭各屬繪畫輿圖備載邨莊界址幾經考訂足資查閱一幅送院一幅存縣惟某邨莊烟戶若干未列數目難以查考各屬舊有編查保甲冊戶口花名備載冊內但照此造送未免繁冗今定簡明冊式仰州府官吏卽飭各屬就保甲冊內戶口數目核明照發來冊式填入徑送本部院以備不時查考止須造烟戶數目不載花戶姓名其數目止須按照存縣保甲冊內查填不得差票提取需索派累培遠堂偶存稿

文檄卷三十

五

庚二

某府城鄉烟戶數目

城內幾千幾百

城外東關南

幾百幾十戶無烟戶者留生

培遠堂偶存稿

西關廂 幾千幾百幾十戶

南關廂 幾千幾百幾十戶

北關廂 幾千幾百幾十戶

東鄉某圖 或里 或甲 或保 或都 各照該處名目

某圖 有堡 幾千幾百幾十戶 離城幾十里 有市集者註明集期

以上幾邨共幾萬幾千幾百幾十幾戶

西鄉某圖 或里 或甲 或保 或都

某圖 幾千幾百幾十幾戶 離城幾十里 有市集者註明集期

以上幾邨共幾萬幾千幾百幾十幾戶

培遠堂偶存稿 文檄卷三十

六

庚二

南北鄉放屯

通州縣幾百幾十邨連城廂共幾十幾萬幾千幾百

幾十幾戶

禁止私官訪查檄

乾隆十六年二月

乾隆十六年二月十七日據延綏道關寧具稟備錄
檄行各學牌稱本道所到之處無不以吏治民生爲
念但地方遼闊耳目難周採聽爲要與其寄左右之
吏役不如托之諸先生之爲愈同城之官吏學官更
易得知何也生員多而耳目廣也今而後凡地方弊
端卽據實密報果有見義敢爲必力加保薦斷不食
言等情并又呈送教官王若愚續訪清澗縣吳其琰
欸跡原稟一扣并錄該道原批一單到本部院據此

培達堂偶存稿

文檄卷三十

七

陝二

查清澗縣吳其琰前據該道訪有縱子宿娼等事教
官王若愚奉道查訪隨處招搖議遞公呈俱已先後
行司轉飭綏德州親提究審并委延安府沙守會同
秉公確審在案今王若愚續稟欸跡該道批內有交
與綏德州究訊審轉之際再爲酌奪之語應俟前後
訪查劣跡審有確據續揭到日該司等一并核實會
揭請叅外惟查定例內開教官除錢糧拆封比較生
員拖欠錢糧並州縣會審案件有關戒飭之處仍令
公同辦理其一切地方事務俱不得干預違者叅處

久經通行遵照在案今該道明目張膽通行一府兩
州十六縣學教官令其糾察同城官吏查訪地方弊
端各卽密報不思教官中有干預民事者尙須查叅
豈可授以察吏之柄生員中有不守卧碑者教官嚴
加約束尙慮多事豈可寄以訪事之權州縣之賢否
地方之利弊悉出教官生員之口勢必顛倒是非挾
嫌報復舊事翻新奸弊百出無怪王若愚始則號召
紳衿議遞公呈今回覆該道稟內鼓掌稱頌以爲教
官訪察得展懷抱必須題明定例也綏德如此各屬

培達堂偶存稿

文檄卷三十

八

陝二

可知該道違例行委恐致滋事仰司官吏會同布政
司卽將延綏道關寧轉移申飭仍飭延綏廳各該府
州立將該道通行各學教官訪事委牌逐一擊銷通
報查考所屬各員責令該道設法密察果有敗檢劣
蹟據實揭報糾叅毋許教官違例滋事致干叅究

飭修大義峪道路檄 乾隆十六年三月

大義峪一帶本係通省舊路因乾隆三年蛟水冲壞
改修庫峪一帶道路乃庫峪等處復被山水冲壞其
間石坎甚高亂石崎嶇難以修補大義峪之涼水泉
西山峪陳家溝等處係土民新開道路易于開挖陞
司委勘議詳本部院題請奉

旨動帑興修已據陞司委員興平縣縣丞柴澤瀚具
報于三月十五日與工在案惟查舊縣關以北數百
餘里係咸寧縣所管舊縣關以南毗連鎮安縣境兩
培遠堂偶存稿 文檄卷三十 九 陝二

縣地方委員柴澤瀚一人未免顧此失彼恐辦理不
能周到鎮安縣事務甚簡該員向曾留心此路應行
添委監修仰司官吏即將大義峪一帶興修道路行
委鎮安縣縣令前往監修再舊縣關遊擊楊文忠于
道路情形甚為熟悉應移令就近往來督率稽查亦
自有益咸寧縣縣令雖事繁不能協同辦理亦當不
時往來查勘庶幾呼吸靈通再自板廟子至秦嶺二
十里石大路 頗費物力該處土人咸據培遠
培遠堂偶存稿 文檄卷三十 十 陝二

員等會同相度稟報核奪總期就勢興修工程堅固
俾通省道路共歸平坦一勞永逸毋負委任

培遠堂偶存稿 文檄卷三十

嚴究淫惡棍徒檄 乾隆十六年五月

地方有淫惡棍徒動輒恃橫逞兇良民受害已于巡歷事宜內通飭查究地方官平時尚須訪查拏究以安良善焉有已犯到官尙且任其狡展誣扳脫罪之理如邠州之張文慶平時肆淫行兇不一而足人人畏其強悍忍辱不告前歲將族嬖徐氏捆縛強姦徐氏告知其夫畏其強梁亦不敢告徐氏忿激不甘跳崖未死告官拏究文慶始而誣供平日與氏有姦繼又誣供徐氏與李能通姦被伊撞遇刀姦前署州不培遠堂偶存稿 文檄卷三十 土 庚二

卽執法聽信誣供差拘屢審幾欲坐徐氏和姦之罪更可異者文慶親族多人忿世遵告發時常登門辱罵又將世遵之母打傷前署州仍不執法止將文慶依強姦未成問擬輕罪本部院親審文慶自難狡辯指駁嚴審今據該州蘓牧將強姦實情審明按問斬罪將世遵夫婦由道司招解到院本部院親審張文慶自認強姦已成不諱本部院見張世遵乃曾讀書之人知顧行止是夜伊妻哭訴被辱何以不卽鳴官反罵阻止伊妻自縊其何以次早仍不鳴官以致

徐氏又復跳崖張世遵將文慶平日寬橫恃強不畏官法人不敢告自前歲姦之後種種誣陷毆打凌辱情形供吐如繪徐氏屢受磨折至今仍忿不欲生張世遵懦弱受累怯難安身情堪憫惻淫惡棍徒已經犯案尙敢如此胡行親族人等具有天良何致恃勢袒庇地方官若不嚴加究處而使強梁得志善良難安公道何存法紀何在人心不服風俗益壞仰司官吏卽轉飭邠州嚴諭文慶親族人等除從前之袒護行兇已往免究外嗣後不時巡歷稽查敢再恃衆培遠堂偶存稿 文檄卷三十一 土 庚二

胡行欺凌張世遵夫婦該州立卽提到按法重究責成鄉保人等如敢滋事立即稟官究懲不得徇隱偏護均干究處邠州境內似此兇惡棍徒當亦不少務須平時稽查嚴切犯則按法重究不可如從前之姑息養奸任其藐法得志爲害善良該州初蒞既有地方之責又有表率之任務須打起精神主持公道懲惡安良鋤強扶弱以靖地方并移巡道一體遵照

化誨回回條約乾隆十六年閏五月

陝省地方漢回雜處回回習尚強橫生事不法本部院于巡歷事宜內刊載令地方官責成教首鄉保化誨約束邇來近省及居城之回回稍覺安靜守法惟遠邨回回糾衆打搶逞兇傷命犯案頻仍揆厥所由皆因回回積習已久地方官巡歷鮮至其地教首鄉保全無約束反多扛幫兇頑之性靡所不至夫回回種類雖殊久居中土納糧當差均屬朝廷赤子蠲租給賑同受

培遠堂偶存稿 文檄卷三十

三

陝二

聖主隆恩平時禮拜念經亦無非養生送死忠孝廉節之事何至習于兇頑肆橫無忌漢人畏回回如虎回回多與漢人爲仇地方官因其性習難馴率視爲化外頑民矣本部院近日查勘渠工由華陰渡渭經過沙苑一帶回回邨堡各回回出而迎接本部院暫憩片時傳集邨衆將平日所犯打降縱牧盜竊田禾圖姦爭教等事指明訊問愷切訓誡其中亦多有循良解事老成謹厚之人知所畏懼頗樂聽從則知平昔生事爲匪者每邨不過二三惡少未必人盡如此

也但車騎所過傳諭難徧今與司道會商酌定條約分發曉諭開列於後

一回回雖不與漢人結親何嘗不共鄰里何嘗不相貿易何嘗不通緩急即各縣各府者亦屬附近鄉鄰也地土相連耕鑿出入朝夕相見遇有水旱災患相同口角告爭事所常有惟回回一有微嫌即思報復或遇經過而還國或借別事而復毆一人喝打衆回續毆甚有不問何人但係漢人即以爲應打回回亦不拘本邨但係回回即爲奔助從前有將路過之人

培遠堂偶存稿 文檄卷三十

四

陝二

毆死者經本部院審明分別首從擬罪其附和之人提到轅門大板重責彼時稍覺驚懼近日又不免有犯者爾等試思光天化日之下回回如此目無法紀地方官豈無見聞上下邨鄰豈無控訴雖尚未致死亦斷無竟置不究之理一經拏究回回百舌難辭天理王法回回豈不知之自此以後各宜謹守法紀遇有不平相爭憑衆理處不能處結寧可報官不可動逞兇毆有逞兇者切宜自相拉勸不可幫助如邨中子弟得罪于人或牲畜損傷他物不妨婉言謝罪自

認賠償一人低聲自認不是衆人心氣自平或仍不能平因此告官爾等仍前公言官決不難爲爾等切不可回護捏飾藉事生波小事釀成大事有理反得無理至於告官處斷之後切不可懷挾仇忿另圖報復終陷大罪回回果能如此平心息事而漢人仍挾嫌生事或反以冤惡相待者赴官控告自必剖別是非公平處斷倘官長偏聽不公許爾等上控提究切不可恃衆逞刀自取重罪也

一婦女幼童經過回回莊回回覘其獨行欺其幼

培遠堂偶存稿

文檄卷三十

五

庚二

弱輒行淫辱遠近聞者無不切齒回回亦有妻女亦有子弟出入往來何日無之如此橫行作踐豈肯甘心現有犯者已經拏獲審明爲首立置典刑爲從亦擬絞罪一班惡少逞一時之淫克喪百年之性命拋親棄子悔之何及至於狎暱幸童到處遊蕩名曰趕會實同包姦聚賭打降無所不至犯者已多問罪不少嗣後爾等首當以此爲戒也

一民間種植麥穀無論是回是漢無不指望成熟養家活口回回與漢人共資夜偷割地主看守人少則回

回竟行強割若看守人多則回回蜂擁出鬪傷人致死民人終歲勤苦種成莊稼顆粒未收反遭人命受屈不堪報官拏究已經審明難容回回白吃終當問罪追贓回回究難漏網不如及早回頭悔心守分毋萌偷割白取之念尚可保全身命自此以後再有犯者分別首從治罪仍計數着落加倍追償

一陝省有飛簷走壁之積賊名曰河州鬼皆河州回回也最善行竊已會拏獲嚴加治罪其實不盡河州回回也本境回回亦多勾結黨羽搶劫竊奪無所不

培遠堂偶存稿

文檄卷三十

六

庚二

至比來犯者已多未犯者正復不少此等回賊技藝自幼習成爾等回回如有此人平日難瞞耳目何以既不約束又不舉報其中不但縱容竟有暗地把持坐食賊贓或令子弟隨從學習技藝及至事犯始而藏匿繼則誘逃而回賊亦恃一郵皆屬回回出入人莫敢詰竊賊人不能破遇有官役捉拏則又相幫拒鬪或更藉故誣陷如此者皆回回之所優爲也至於受僱打降誘拐男女窩藏匪黨私販茶鹽回回尤爲不少試問回回爾等所以聚會念經者果念此經乎

朔望禮拜者果爲此而拜乎清真寺中果容此事乎
掌教者掌此教乎天理王法均不能容自不待言惟
願衆回同大家檢點細細查問回回中有無此人
有無此事現在何人出入行徑似此何人將來恐不免
此有此則苦口婆心告誡一番令其愧悔已往改革
將來不能改不聽說者及早報官約束以免後患不
但保全衆回回臉面衆回回之身家亦保全矣

一陝省放羊多屬回回漢人間有放羊所僱亦多回
回推求其故無非回回力大性橫所執雷鳴鞭太平

培遠堂偶存稿

文檄卷三十

七

陝二

棍齊着棍動則可以傷人每將羊羣乘夜縱放食人
田禾次早無踪人不敢問有當夜阻止者則鞭棍加
之動致傷生本部院於乾隆十年出示嚴禁責成教
首鄉約禁止犯者根究羊主賠償彼時似覺稍止近
來犯者復多如渭南大荔二縣之喬天王閣雙井灘
裏沙家倉頭崖寨裏東馬家金家等卹堡每處畜羊
不下萬餘隻自九月起至來年二三月縱放麥地踐
踏幾成平地每羣羊皆有多人衛護十餘羣爲一起
互相聯絡遇田主趕逐一聲口哨衆回合而爲一鞭

棍交加強橫已極現在申飭地方官不時查察如有
縱放羊隻踐食他人田麥者務照從前告示將僱主
及放羊之人一井究處重則枷號遊示所損麥苗着
落僱主賠償如有羊羣數起護衛多人有鞭有棍者
無論傷人與否加倍重處將鞭棍繳官人多走散者
着落僱主追要不使一人漏網爾等切毋倚恃人衆
事後難於究追也

一宰殺馬牛多係回回因此遂有偷竊馬牛當下宰

劍滅其踪跡之事陝省耕田載馱全資牛馬槽有健

培遠堂偶存稿

文檄卷三十

七

陝二

牛肥馬即屬一家資本而竊偷宰殺偏係健牛肥馬
其中更有掌教鄉約計隻得錢者傾家害命莫此爲
甚況劍載盜牛馬殺賣者俱枷號一月問發附近充
軍知情分贓者與盜同罪知情不分贓者減一百援
情定罪不但不能因回回宰殺而稍寬惟有因回回
之偷宰私殺而加重切宜自相戒約子弟輩永不許
作此偷宰牛馬之事

一卹鄰集會趕集有戲原所不禁有等惡少回回三
五成羣執持棍棒鐵圈石於集會橫衝直撞欺侮漢

人或觀視婦女或捏搗幼童或勾引賭博或聚賭會
首班首違禁夜唱乘機生事稍拂其意尋釁打架數
年以來因此傷人致死犯案均已收禁問罪現在有
候審未結者其未冒傷人致死者不一而足總之無
論當下事後均難逃於法網決無平白放過任聽胡
行之理爾等各宜早自警戒互相約束也

一集場買賣食物回漢各聽其便回回不食猪肉則
有不許猪肉經過門首之事有猪肉在旁設案出賣
者動即掀翻作踐一人嚷罵衆人扛帮遇買賣菜果

培遠堂偶存稿

文枚卷三十

五

陝二

則又短給價值刀檢物件強買白取爾等回回亦有
買賣如此欺壓人心豈肯甘受市會爭毆多由此起
嗣後務須各聽貿易公平買賣違者扭稟官長立即
究處情重者即于集場柳號示衆

一回到同屬教門新教老教不過時日各異何得各
立門戶互相爭長往往有父在老教而子從新教兄
爲新教而弟在老教者每遇爭教打架父子兄弟不
復相顧自相殘殺有如畜類無復人理現在有因爭
新教老教傷人拆廟業已究審問擬重罪爲首爲從

皆罹法網罪不能逃家亦破矣新教何益老教又何
益也嗣後老教新教各聽情願不得相強不許爭論
因此打架無論新教老教一併究處此事全由各掌
教把持號召違者將掌教加倍治罪逐出境外

一回到每恃其人衆心齊遇有爭鬪無論遠近識與
不識但係回回出而相爭一人肇衅衆回雲集以此
逞其兇橫卽以此誇其聲勢無惡不作皆由于此本
撫部院竊願爾等回回以此齊心同作好事如開渠
築堡穿井或修橋砌路或防護地方莊宇或相約救

培遠堂偶存稿

文枚卷三十

五

陝二

濟貧難帮助婚喪或相約急公輸納不致欠糧悞差
或相勸敦倫睦族不使見利忘親如此同心協力豈
非回回仗義之高風官長將嘉獎之不遑今乃蹈于
助勢橫行之惡習平時濟惡已慣遇事益無忌憚不
但可惜亦且可怕欽奉

上諭嚴禁恃衆行強功令森嚴罪名不輕本撫部院
竊恐恃衆行兇回回之犯必多於漢人回回所犯之
罪必更重於漢人爾等回回各有身家各有性命其
痛加猛省及早改悔也

以上各條均回回向所易犯之罪漢人雖亦有犯者總不如回回之甚也本撫部院兩次莅陝回回性情風尚皆所熟知其中賢愚原各不齊現在有讀書應試者有効力戎行策名仕籍者各具天良亦有才識可以化誨可以造就故與司道會商刊此條約發給回回回回平素所敬信者曰阿洪曰滿拉曰掌教今每人各發二本責成爾等協同鄉約每值會集與衆回回悉心講解遇事叮嚀囑咐不識字之老幼人等均爲傳述講說互相警戒責成父兄教其子弟有子

培遠堂偶存稿

文檄卷三十

三

庚二

弟強橫父兄管教者爾等相幫約束有父兄庇護子弟或慝惡作惡自誇強梁者爾等勸解不聽即可稟官究處事犯差拏惟宜及早拘拏送官爾等既無罪名且見公正倘不肯約束又不稟官事發到官爾等難辭其咎再審出爾等有主持教誘相幫藏匿之事定將爾等治以首魁之罪每季終將本邨本管回回有無違犯條約之處具結送地方官查考所管邨堡回回一年之內查無違犯條約者自是平日一秉公正實心勸解所致地方官給予匾額花紅示獎三年

之內所管回回無犯條約者道府給匾獎勵五年之內所管回回毫無違犯者院司各給匾額優加獎勵爾等既爲回衆所信重原當爲回衆分任公事今又加以官長之委任責難辭卸如有違犯法難寬貸如此多方勸戒預先禁約無非不肯岐視回回欲回回同歸良善之意爾等其各敬聽遵行毋虛所望焉

培遠堂偶存稿

文檄卷三十

三

庚二

修理鄭白渠石堤檄 乾隆十六年閏五月

涇陽之龍洞渠卽秦時之鄭渠漢時之白渠也當日原係將涇河渾流引入渠內由高而下灌田甚多迨後涇水激湍河流日下漢唐宋以及元明遞于上流鑿石引灌明初渠口屢敗涇水不能仰注水利漸微成化間始于王御史渠之上從山根鑿成一渠深者百餘尺淺者五六十尺歷十有七年乃成全仗沿山大小泉眼數十從石縫噴湧而出下注渠中本朝于龍洞之後築堤截水乃名曰龍洞渠自此以後不但培遠堂偶存稿 文檄卷三十 三 四二

不能藉資涇水并須處處防護涇水不使入渠方免冲塞雍正乾隆年間請動帑修築石堤挑濬渠身無非防涇水入渠爲患之計自築石堤以後涇河水漲仍有冲堤塞渠之患危險堪虞本部院親臨查勘現在渠身已非復鄭白之舊渠中一泓清水與涇河渾流僅隔一線渾水一入渠中清濁不敵立見淤塞爲今之計涇水之不能引灌毋庸計議石岸之易于冲陷首宜嚴防現在石岸僅堪容足有如築牆堵水高亦難免水漫不但渾水有時内冲渠中清水尙且外

滲入河危險之形宛然在目倘此一線石堤稍有疎失源頭阻塞全渠卽歸無用趙家橋之冲成深坑亦將阻塞渠流數千年之水利相傳至今四州縣之民田久資灌溉歷年修築已費多金前功盡棄可惜可慮查現在石岸之外尙有灣曲坦坡又係亂石形非陡立勢非頂冲就勢加帮便可堅固渠中泉眼加以疏濬渠身淺處加以挑挖則渠水尙可比前旺盛點滴皆爲民利事關經久水利難任因循坐廢仰司官吏遴委熟練之員會同西安府暨水利廳逐節查勘培遠堂偶存稿 文檄卷三十 三 四二

細加相度將石岸單薄之處加帮寬厚卑矮之處加高數層渠水滲漏之處細加堵塞泉眼所在加以疏通渠身淤淺之處再加挑濬帮築之處或用石條或用碎石或加土築挑濬之處或用民力或動歲修趙家橋作何鑲護逐一估計繪圖貼說確切定議通詳以憑核奪請修此時估定請項秋冬之間正可興修庶免臨汛危險四州縣民田又得早資灌溉均毋忽視

經理河渠檄 乾隆十六年閏五月

民田全資水利陝西水利不出渠井二者除隨地開
久已另檄飭行其水渠之利本部院於興除事宜
內行令各屬于巡歷時用心經理據實回覆各屬
以河低岸高不能引灌爲詞近經督部堂于議覆
英臬司條陳案內定議責成地方官陸續興修奉

旨欽遵在案本部院連日查勘涇陽富平盤屋鄠縣
等處新舊渠工熟察情形大約近山各河皆自

山峪流出一經成河水勢下趨不能逆挽而上所以

培遠堂偶存稿 文檄卷三十

三五

陝二

河水雖多近河地畝不能沾涓滴之益所云岸高水
低不能引灌無怪其然若從河水出峪地勢最高之
處及河身尚高之處開渠引亦可到處流通隨人
引灌不至一下不能復上現在涇陽富平盤屋鄠縣
三原華陰等縣新舊各渠皆係如此各屬凡有河水
初出山峪及河身最高之處皆可設法導流隨處引
灌卽以咸寧長安兩縣而論澧河灃河皂河瀉河涇
灃二河皆從迤南山谷流出水源甚旺峪口地勢本
高除舊有各渠外尙多可以就勢開渠引灌之處卽

日久舊渠淺塞者亦可逐加挑濬渠小地寬者亦可
從中另開支渠分流灌溉再長安澧河東岸之張王
邨馬營兒舊會築堰開渠未曾開通堰口仍在年來
澧河水發水由廢堰而入近堰之邨不能堵塞中成
小河橫流漫衍無所歸束兩岸田地不但不能得利
且受淹浸又澧河西岸之蘇韓邨原係澧河故道亦
會藉水灌田而河口未曾築堰澧河漲發水勢漫衍
西岸田地難免受淹之處本部院經過其地目擊水
勢詢問居民大槩如此此等利害所在小民非不知

培遠堂偶存稿 文檄卷三十

三五

陝二

之而力不能爲官司力能有爲而苦于不知雖日存
利濟民生之心竟似境內無可舉行利濟之處殊可
惋惜亦可痛恨仰司官吏卽飭咸長二縣查勘境內
諸河出水源頭相度地勢凡有可開新渠者卽行就
地開挖引水入河如遇溝港汊河亦可架橋引避舊
有之渠源頭水旺者卽於中間再開支渠轉相灌注
或不能另開支渠亦宜將舊渠淺塞之處逐加挑濬
以廣灌溉其長安縣澧河東岸張王邨之舊堰西岸
之故道如可藉資引灌卽於河口築堰建閘爲隨時

啟閉之計如不能引灌則竟將河口堵築以免水溢
爲患總宜遇水則資其利卽不能資其利亦宜先防
其害小民難與圖始兼之心力不齊全仗地方官悉
心體察不時督率應出夫者出夫應派費者派費就
平日受利免害之邨莊均平出力毋任偏枯毋任阻
梗果有工程浩大或識見不到難於定議者亦卽稟
請道府就近親勘定議興修其餘通省各屬似此可
以開渠者恐亦不少舊渠淺塞應行開濬者更亦不
少應再通飭細查令其將境內河道情形來源去路

培遠堂偶存稿

文檄卷三十

毛

陝二

能否可開新渠舊渠應否挑濬河渠寬長丈尺里數
起止水勢淺深開一清摺切實回覆通報各上司以
備查考回覆之後別經查出情形不符難辭欺瞞上
司玩視民瘼之咎也並移各道一體督查指示毋忽

飭修衝途橋梁檄 乾隆十六年閏五月

長安縣西南與鄠縣接界之梁家橋乃蓋屋鄠縣兩
邑抵省之衝途商民往來絡繹凡屯戶輓納道倉糧
石必由此橋從前原係該地鄉紳捐建石墩木橋年
來澧河水發將橋冲斷工費浩繁難於修砌有樓觀
臺道人梁一亮募化修砌數年以來止砌石墩臺五
座尙須石墩臺二十七座道人梁一亮病故中止本
部院率同西安府前往樓觀臺查勘據本觀道人稟
請接續募修及至回省道經此橋正值水漲不能濟

培遠堂偶存稿

文檄卷三十

元

陝二

渡停驂河畔細加相度已砌之五墩每墩臺已費銀
三百兩雖云堅固地位太寬若再添砌二十七墩臺
計費在萬兩以上不但費重難舉且於河流浩瀚中
臚列三十二大墩滿河皆係墩臺有阻水勢設遇汛
漲墩難存立勢必又致冲塌必得設法改修方可一
勞永逸當卽諭令清軍同知長安知縣前往相度估
計茲據同知董朝鼎估安六十七洞除已砌石墩臺
五座外餘皆用石輓轆作石柱除舊有石輓轆外
不足者應數添買達木梁橋板需費無多仍於整屋